

鐘停了。那短針便一萬一千年也不會指着墨圈的了。

天憤曰：右所述者，焉得謂之滑稽小說？不過一個笑話耳。然我之友人，我之友人之妻，確有此事。友人爲我述之，我誌之，我乃成此一篇噫嘻墨圈，真害煞人也。

● 小明月龕筆贖

范君博

秦始皇本姓趙。世傳始皇姓嬴，或云姓姜，有不韋之疑，或以爲姓呂，其實皆非也。史記始皇本紀：生於邯鄲，姓趙氏。蓋秦猶近古，深得古天子建德，因生以賜姓之義。黃帝以姬水成，遂姓姬。舜生於姚墟，遂姓姚，是也。則始皇之冠以秦，秦國名也，朝名也，而姓則決爲趙氏無疑。

朝雲有二人。某說部載東坡謫海外，從人皆散，惟侍妾朝雲相隨不去。而東坡集中亦有哭朝雲詩數首，此朝雲爲東坡妾無疑。然讀元稹詩云：閒倚屏風笑周昉，枉拋心力畫朝雲。則此朝雲當可知是唐以前也。但世人祇知朝雲爲東坡之妾，而不知唐以前已有名朝雲者矣。特錄之。

書家雅譽：前清一代工書法者，超晉軼唐，不能僂指。有南梁（山舟）、北宋（荔裳）、怪鄭（板橋）、奇金（冬心）、濃墨宰相（劉墉）、淡墨探花（王文治）之目。又有天地人三家，謂張得天、尚書（照）、曹秀先學士（地山）、王偉人掌院（杰）也。文人非想，可謂無奇不有矣。